



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 1. lib. Exodi, in quo describitur Israëlitarum post mortem Joseph auctus numerus, Tyrannis regia in eos exercita.

[urn:nbn:de:hbz:466:1-61252](#)

FASCICULUS XIII.

Doctrinarum Moralium & Asceticarum.

Doctrina I.

*Desumpta ex cap. I. lib. Exodi, in quo describitur Israëlitarum post mortem
Joseph auctus numerus, Tyrannis regia in eos exercita.*

Considera: **Q**uidam quamdiu in Aegypto vixerit Joseph, filii Israël N.78.

non creverint, creverint autem illō mortuō; ita
quamdiu vivat in homine proprius amor, tam-
diu anima maneat sterilis, nullos meritorum fructus parturiens; illō
autem extinctō nascatur talium ingens copia. Confirmat hoc Si-
mon de Cass. lib. 8. cap. 21. assertens: *Quamdiu amor proprius regnat, ab-
stinentias & vigilias execramus, fugimus labores, prater illos, qui vergunt in pro-
prium bonum. Obedientia sit oculata, & quisque sibi seffor & equus, Iudex &
advocatus est &c.* Viderat olim Joannes Apocal. 13. de mari ascen-
dente bestiam, septem capitibūs armatam. Hæc teste Bernardinū
senens. tom. 1. serm. 5. Similis est amori proprio: is enim ascendit
de mari, quia amara refugit: habet septem capita, quia septim pec-
cata capitalia ex eo pullulant; unde enim superbia, avaritiā, Luxu-
ria &c. nisi ex amore proprio suam trahunt originem? extingue
amorem proprium, Herculem erga Hydrām egisti, amputando ei
omnia capita. Atque sicut corruptio unius est generatio alterius, ita
extinctis his proprii amoris filiabūs, orientur contrariae virtutes, il-
lis directè oppositæ. B. Angela de Fulginio amorem proprium ipso
magis Dæmone fugiendum esse credidit, utpote audita dicere: quod
ille mentem humanam omnī gladiō ancipiti penetrabilius affligat, &
non coercitus animam millenīs calamitatibūs invadat. Sicut vul-
pecula mortuam se fingens, ut gallinā potiatur, canis latratum
imitatur, habenda pro fideli custode pecoris, & non pro hoste:
ita amor proprius affectus tuos tegere consuevit, & speciosam pietati
larvam mentiri. Quare Sponsa cantic. cap. 2. exclamat: *Capite
nobis vulpes parvulas, qua demoluntur vineas.* Parvulas vocat, quia etsi
grandiores sint passiones, sub amore proprio latentes; parvulas se
tamen fingunt, ut eò facilius sibi accessum præparent ad rapiendas ex

N

anima

anima virtutes. Noverat hoc S. Franciscus Sales. & hinc adeò omnem sui commodi rationem neglexit, ut teste ejus vitâ lib. 4. c. 5. diceret: si vel levem aliquam amoris proprii partem in corde suo sciret residuam, illico eam ferrô flammâque persecuturus esset. O quâr raro reperiri est homines, etiam illorum in numero, qui cæteris exactius divinis obtemperant mandatis: raro inquam reperiuntur, ac penè nulos, qui regium vatem imitati, exclamare ausint, ac contestari: *Quid mibi est in Celo? aut à te quid volui super terram?* -- *Deus cordis mei & Deus meus?* intersunt divinis officiis frequentur, magnâ cum devotione suas peragunt preces: at non eô solum fine, ut soli placeant Deo, sed ut placeant pariter intuentum oculis. Multi ad nutum obediunt imperantium vocibus, non currunt, sed volant, ut exsequantur, quod imperatum est: at quis pedibus alas addit, nisi pœnæ timor, confusionis horror, disgratiæ terror? multi Pharisæum imitati, jejunii & vigiliis macerant corpus: at formant intentionem, quam formaverat Pharisæus: ut videlicet visi ab hominibus, sint ipsis admirationi, sibi laudi. Martia, Romanarum Matronarum Decus, cum præmaturâ morte charissimum perdidisset conjugem, & ipsa juvenis vidua tum formâ tum opibûs floreret, à nobili limis juvenibus ad nuptias invitata, virili constantiâ eas recusavit, quærentibus reponens: *Quia mea, non me omnes isti querunt.* Idem proh dolor! Deus, super omnia amandus, jure conqueritur de multis, qui sibi blandiuntur de singulari in eum amore; cum tamen dona Dei potius, quam ipsum querant Deum, amore proprio excæcati. Talibus merito objicit Christus verba, jam pridem aliis objecta ejusdem farinæ hominibus Joan. 6. *Queritis me, non quia vidistis signa, sed quia manducastis ex panibus, & saturati estis.* O Christiane lector! quære etiam ex te, quômodô, & quô fine tuis in actionibus, quâ sacrâs, quâ profanis, & ex objecto indifferentibus quæras, Christum? annon reperis recurvum ad vanam gloriam, ad corporis comoditates, ad animi oblectamenta affectum? annon instar Giezi, Naaman sequentis, post Christum curris, exclamans, si non ore, saltem corde 4. Reg. 5. *Curram post eum, & accipiam ab eo aliquid.* Annon illum colis instar turbæ illius Lucæ 7. viduam sequentis, eâ tantum de causa, ut ait Sylv. Quôd aliquid commodi ab ea sperare possent tanquam à divite? ne ergo instar ferri, à rubigine pereuntis, pereas ab amore proprio, quem tuo in sinu foves, illum penitus ejice. Sicut Israhilitæ,

lità, quō durius post mortem Josephi fuerunt habitū à Pharaone, eò magis creverant copiā hominum, & virium robore: Ità quō magis expellere niteris per mortificationem amorem proprium, eo copiosior eris in virtutibus & actibus bonis.

Doctrina 2.

Desumpta ex cap. 2. lib. Exodi, in quo describitur adoptio Moysis, in flumen projecti, fugaque ejus.

Considera: **C**hristianum hominem, ut soli placeat Deo, gerere se N. 79. debere erga actus virtutum, & opera bona, quæ peragit, qualiter se mater Moysis gessit erga sum neonatum infantem: siquidem illum tamdiu hominum conspectui subduxit, absconditumque retinuit, quandiu valuit. Ut vero tandem coacta est, eum publico exponere flumini, fiscellam omnī meliorī modō paravit, ut eō minus damni pateretur à rapacibus undis. Verba S. Scripturae sunt versu 3. cit. capit. 3. *Sumpit fiscellam scirpeam, & linivit eam bitumine ac pice, posuitque intus infantulum.* Haud secus oportet opera bona, quæ nostri partus sunt per gratiam divinam obtenti, tandem conspectui hominum subtrahere, quamdiu obedientia aut causa gravis non jubet ea pandi. Hāc autem datā, ut opera in publicum educta defendantur ab aquis vanæ gloriæ & laudis, omnī studiō vigilandum est. Tali ter vigilavit S. Petrus Actorum 3. tunc temporis occurrebat ingens populi turba, grande Miraculum ab Apostolo patratum, spectatura: hoc, ut vidit Petrus, contra vanæ laudis procellas fiscellam com posuit, hīscē verbis constantem: *Viri Israélite, quid miramini in hoc; aut nos quid intuemini, quasi nostrā virtute aut potestate fecerimus hunc ambulare? Deus Abraham &c.* Quasi diceret: oculos amovete à nostris factis, atque in solum Deum eorundem authorem convertite. Prodigium cernitis, in eo admiramini divinam potentiam, laudate Bonitatem. Regius vates, ut actus suos laude planè dignissimos, laudibus hominum subtraheret, fortissimum eis opposuit scutum Psal. 117. cantans: *Fortitudo & laus mea Dominus.* De S. Dominico Prædicatorum Fundatore, vanæ gloriæ osore maximo, legitur in vita ejus lib. 4. c. 10. quod postquam sacrâ eloquentiâ copiosissimam animarum messem collegisset, & hinc omnium ora invitus in sui laudem commo viisset